



**S. Augustinus, Episcopus in Africa Hipponeñsis, Veritatis
Evangelico-Catholicæ In Potioribus Fidei Controversiis
Testis Et Confessor, Contra Bellarminum Et Alios
Scriptores Papæos, antiquos pariter & ...**

Reiser, Anton

Francofurti, 1678

Liber Secundus, De Romano Pontifice

[urn:nbn:de:hbz:466:1-72506](#)

quia pluribus est Epistolis notior, & plus omnibus aliis laboravit. Certè si hæc Augustinus de Petro scripsisset, nullum plane est dubium, quin numerus Prærogativarum auxisset Bellarminus, imò aliis omnibus prærogativis forte præposuisset. Ejusdem derogativas jam, quod tandem attinet, sive potius peccata, qua Petro communiter objici solent, & à quorum reatu Bellarminus eum liberare conatur, inter ea sibi ipsi objicit numero & ordine septimum, quo Petrus Domino & Magistro suo se opposuit, quando ejus & ceterorum omnium Apostolorum pedes lavare voluit, quod quamvis magni adeò momentinon esse videatur, quia tamen excusare illud Augustini autoritate studer Bellarminus, scribentis, Petrum id fecisse se excusando, quod quilibet alius Apostolorum fecisset; id tantum responsi loco subjungere placet, tam non excusare ipsum hoc factum, quam non excusat, quod simili modo circa lapsum decimum & secundum de fugâ Petri scribit; *Eum non solum, sed omnes simul Discipulos fugisse, cum numerus & multitudo errantium apud prudentes rerum estimatores errori nunquam facere soleat patrocinium.* Ad decimum & quintum Petri lapsum, ob quem supra Eum à Paulo publicè reprehensum vidimus, id notasse sufficit, quod Bellarminus ipse agnoscit, et si hoc factum Patres Græci peccato omni vacare velint, plerosq; tamen Latinorum, & inter eos Augustinum, aliquod in eo peccatum agnoscere.

LIBRI SECUNDI,

DE

ROMANO PONTIFICE,

CAPVT TERTIVM & QVARTVM,

DE

Petro Romæ mortuo, & ibidem Episcopo.

His præmisit Bellarminus demonstrationem, quod Petrus Romæ fuerit, oppositam Veleno cuidam, quem Lutheranum dicit, octodecim argumentis contrarium sub initium Reformationis Lutheri operâ cœptæ demonstranti, in quorum examine varia quidem notari possent, imbecillitatem virium Bellarminianarum testantia, si id jam ageretur; verum, quamvis ex clarâ S. Scripturâ literâ id manifestum non sit, quia tamen totum Patrum testimonia unanimiter ferè id confirmant, nec, si Petrum Romæ fuisse certum sit, illum exinde Veritati Evangelice accedat præjudicium, quia & Augustini auctoritas datâ forsitan operâ, quasi minus necessaria à Bellarmino fuit omessa, idèo ad ea statim descendimus, quæ Bellarminus porrò suscepit demonstranda, ut ut ea etiam, si concedamus, id quod impetratu à nobis est facillimum, nihil ad ipsam rem faciant, cuius gratiâ Bellarminus hæc quasi in antecellsum præmisit. Nihil omnino, et si ultrò largiamur, Petrum Romæ mortuum esse; Præprimis si id attendamus Augustini testimoniū, quo merita Petri & Pauli propter eundem passionis diem celebrius & solemnius Romanam commendare scripsit, utpote quod Paulum Petro componit, nihilque huic præ illo concedit prærogative, sed potius idem honor Romæ dicitur obtigisse ob morte vel Martyrium Paulo, qui ob mortem vel Martyrium Petro, nullo plane indicato discrimine. Nihil etiam, si id quoque largiamur, Petrum in Ecclesiâ Romanensis Cathedrâ sedisse ut Episcopum, significatu ampliore & minus restricto, quo omnis Apostolus, quounque venit, ubicunque ad tempus aliquod maneat, vel phrasí Augustinianâ sedet, Episcopus ratione officii fuit & verè dici potuit, indeq; Episcopi Apostolorum Successores dicuntur; unde tamen nullo plane modo sequitur, Petrum Romæ ad tempus aliquod Episcopatu Apostolico funetum, Monarchico quoddam principatu non ei solum, sed universa per totum orbem Ecclesiæ, vel omnibus ubicunque Ecclesiis præfuisse & præsedisse. Placet hic, quod eruditissimus sed inconstans Republicæ Ecclesiasticæ Scriptor vel potius descriptor, Antonius de Dominis in rem præsentem observavit:

lib. 4. cap. Poruit contingere, & ita de facto contigisse mibi non est dubium, ut Petrus, qui poterat Apostolicum munus per totum orbem, ubicunque placuisse, suo accessu exercere, viso fructu magno, qui ex culturâ Ecclesiæ Romane sperabatur, se eidem Ecclesiæ sponte tandem, occasione debelandi Simonis Magi mancipariit, ita ut voluerit Apostolicam exercendo auctoritatem in illâ Ecclesiâ.

Ecclesiæ exactius & diutius laborare. Idem prorsus puto etiam Paulo Romanam à DEO simili-
ter destinato contigisse, idem Iohanni, qui se par ratione Ecclesiæ Ephesina adplicavit, cùm
tamen & ipse non minus quam Petrus esset habitu totius orbis Episcopus. Sic ceteros Aposto-
los inter se Provincias diuisisse adserunt multi & merito. Mundus enim magnus est, & unus
non potest ubiq. supplere; idèque non unus, sed duodecim Apostoli fuerunt à Christo electi.
Et quia omnibus dictum est à Christo, Euntes in universum Mundum prædicare Evangelium
omni creature; idè quilibet eorum erat habitu Episcopus universi orbis, actu autem non nisi
illius loci, in quo prædicabat & Ecclesiastica administrabat. Notatu insuper digna est ob-
servatio Ejusdem, indicantis causam, cur Spiritus S. silentio prætermiserit Romanum
hunc Petri Episcopatum: Previderat profecto, ut mihi videtur, Spiritus Sanctus, ex Petri ^{ibid. num. 16,}
nomine ac laboribus ejusdem, si qui fuerunt, Roma exanimatis occasionem aliquando iri arre-
ptum, ut Romanensis Ecclesia ad indebitam consurgere Monarchiam, & alias sibi Ecclesiæ
gravissimo cum scandalo & schismati intolerabili subdere niteretur; ac propterea noluit, ut
Canonica Scriptura quidquam de Petri Romanam adventu commemoraret, sed profundo silentio
postiores Ejus peregrinationes obvolut, adeòq. de Romanensi Cathedrâne verbum quidem,
cùm tamen, si fide Divinâ credendum sit, bundem ibi Sedem fixisse, in primis necessarium fue-
rit, ut Divinis Oraculis Dogma hujusmodi primarium fundaretur. Hæc ille ibidem no-
tanter, quæ observasse ad præsentem Controversiam non erit inutile. Addo jam, ni-
hil etiam juvare enumerationem Episcoporum vel Pontificum Romanorum à Petro
usque ad Anastasium, tempore Augustini Romanensis Ecclesiæ Episcopum ab ipso Au-
gustino factam, id quod infra uberiori circa Examen hujus Successionis, tanquam Notæ
singularis demonstrabitur, ubi & illud erit pendendum, quod ipsam seriem quatuor
primorum Pontificum Petri Successorum ab Augustino observatam attinet, ut potè ab
aliorum recensionibus diversam.

CAPVT SEXTVM & DECIMVM,

DE

Romano Pontifice, Petri Successore in Ecclesiastica Monarchia.

Quamvis enim Bellarminus Petrum in Ecclesiâ principatum obtinuisse Monarchi-
cum haec tenus non demonstrat nec demonstrare potuerit, nihilo tamen minus,
quæ res esset in salvo, ac nullâ amplius probatione opus haberet, huic tanquam fun-
damento omni ex parte solidissimo Ecclesiasticam Romani Pontificis Monarchiam
superædificat, lapidibus ad hanc struem congestis ex Jure Divino, Conciliorum Decre-
tis, ipsorum Pontificum testimoniosis, Patrum quoque & Græcorum & Latinorum Scri-
ptis, inter quos cùm & Augustinus se præsentem sifat, vel vi potius ad dicendam traha-
tur Sententiam contra mentem suam, quid de ea statuendum sit, pro ratione Instituti
breviter videamus. Ex quatuor autem testimoniosis duo priora superius jam vindicata
fuerunt, & primum quidem ad nonum primi de Pontifice Romano, Secundum verò ad
tertium tertii de Judice Controversiarum libri caput, unde responsum hoc repeti potest
& debet. Sequitur ergo tertium, quo Augustinus se ad Concilium Cæsareae celebra-
tum injunctâ à Zosimo Apostolica Sedis Episcopo, necessitate Ecclesiasticâ profectum esse te-
statur, & quo ipso Bellarminus putat agnovisse Augustinum, sc̄ ex mandato Romani ad Optat.
Pontificis, tanquam supremi Ecclesiæ Monarchæ, illi Concilio interfuisse, eā necef-
siteate injunctâ, quam evitare nullo planè modo potuerit. At si mentem horum Augu-
stini verborum ex sensu aliorum, in specie eorum, quæ supra jam dixi vindicata, ritè at-
tendamus, non tam intelligi voluit augustus Doctor necessitatem mandati, quam ipsius
rei, ob quam Cæsarea Synodus illa fuit celebrata, necessitatem videlicet Ecclesiæ vel
Ecclesiasticam, cuius respectu Augustinus non adeò difficulter negotium illud à Zosimo,
Pontifice Romano, sibi passus est injungi & imponi, quem *Apostolica Sedis Episcopum*
dixit, non quia Petrus Monarchical ibi Regimen exercuit, cuius nulla apud antiquos
Ecclesiæ Doctores vestigia vel documenta extant, sed quia cum Paulo ibidem ad ten-
pus Episcopatu Apostolico functus à plerisque tunc fuit creditus, quo sensu cæteras quo-
que Ecclesiæ ab Apostolico vel Apostolicis Viris plantatas & aliquo tempore gubernatas
i Tertulliano dictas fuisse Apostolicas, supra quoque indicatum fuit. Superest nunc
quartum Augustini testimonium, ex quo Bellarminus Monarchiam Petri & Successo-
rum Ejus Pontificum Romanorum Ecclesiasticam extorquere conatus est, trufra
quatuor iterum & aulu irrito. Scriperat Doctor augustissimus ad Bonifacium, Eccle-
siz

Tomi I. Controversiæ III.

108

si Romanensis suo tempore Pontificem & Episcopum : *Non dedituris, qui non alta sapientia, quamvis altius presideas, esse amicus humilium.* Et iterum : *Communis est nobis omnibus, qui fungimur Episcopatus officio, quamvis ipse in eo premineas celsiore fastigio Specula pastoralis.* Addit Bellarminus, singulare quid le obtinuisse existimans : *Vides hic ab Augustino omnes Episcopos subjici fastigio celsiori Romani Pontificis.* Atqui plus iterum est in conclusione Bellarmini, quam in præmissis Augustini, *qui nihil de subiectione omnium Episcoporum Pontifici Romano tanquam Monarchæ Supremo debet, quin potius in ipsis hisce à Bellarmino citatis verbis communem omnibus Episcopatum describit, & in paulo antecedentibus speciatim & singulari cum observatione eam Episcopalem curam Bonifacio Pontifici commendat, quæ scipsum tanquam stimulo recentiori sollicitatum ad vigilantiam pro grege Dominico monet, sui etiam Muneris particularum verbis proximè sequentibus sistens, comet ipso testatus, ejusdem se esse Sententia, quam illo tempore vivens Hieronymus, & ante Eum Cyprianus, uterque ab Augustino maximis habitus, satis clarè exprefserunt.* Et Hieronymus quidem in ad Evagrium Epistolâ, quam Gratianus ferè integrum Corpori Juris, quod Canonicum vulgo dicitur, inseruit, hæc notata dignissima de Episcoporum paritate scriptis : *Ibicung fuerit Episcopus, sive Roma, sive Eugubii, sive Constantinopoli, sive Regini, sive Alexandria, sive Tana; ejusdem meriti, ejusdem est & Sacerdotii.* Potentia divitiarum & paupertatis humilitas vel sublimiore vel inferiore Episcopum non facit. Ceterum omnes Apostolorum sunt Successores. Erasmus acutioris nasi in hisce talibus Censor hoc adjecit Scholion, dignum quod & hic legatur : *Oppidorum nomina sunt diversa diffita locis. Eugubium in Italia est, Constantinopolis in Thracia, prius dicta Byzantium, Reginum in Bruttio, sive in agro Brutiorum, adhuc in Italia; Alexandria & Tana in Aegypto.* Sed ita videtur conjunxit, ut semper urbi celebriori frigidum aliquod opponat oppidulum ; *Eugubium Rome, Constantinopolis Reginum (vel potius Reginum Constantinopoli;) quibus hoc commune est, quod utramq. est littoralis, Alexandriam Tana, vel Tanim Alexandriae.* Colligit enim, Episcopi dignitatem non estimari magnitudine ditionis, sed merito Vita, officio omnes esse aequales. Idem ante Hieronymum, sine tamen nomenclaturâ Sedium Episcopali, scripsit Cyprianus : *Etsi Pastores multi simus, unum tamen pascimus gregem; & oves universas, quas Christus Sanguine suo & Passione Dionysius quæsivit, colligere & fovere debemus.* Quamvis enim Laurojas, Sorbonista singulariter, in anteceßum hic notasse juvabit, si forte in posterum aliqua ejus occurrat mentio, ea tamen, quæ de cura Pastoralis communis Societate hic scripsisse legitur, alii & alibi non semel ferè eodem verborum tenore scripsit, & quidem ad Pontificem Romanum : *Singulis pastoribus portio Gregis est adscripta, quam regat unusquisque & gubernet, rationem sui actus (non uni alicui homini, sed) Domino redditurus.* Et adhuc apertius sub initium libri de Unitate Ecclesiæ, ad quem alias Monarchici Scriptores maximis clamoribus lovent provocare : *Hoc erant utique & ceteri Apostoli, quod fuit Petrus, pars consortio predii & honoris & potestatis.* Et post pauca : *Pastores sunt omnes, sed gressus unus ostenditur, qui ab Apostolis omnibus unanimi consensione pascatur.* Et iterum post aliqua : *Unitatem firmiter tenere & vindicare debemus, maxime Episcopi, qui in Ecclesiæ presidemus, ut Episcopatum quoque ipsum unus atque indivisum probemus.* Et adhuc semel : *Episcopatus est unus, cuius à singulis in solidum pars tenetur.* Quæ verba ita clarè Augustini Sententiam exprimunt, ut post Augustinum, non ante Augustinum scripsisse videatur, nisi dicere malimus, Augustinum Cypriani Sententiam expressisse. Quidquid horum sit, constat utrinq. & ex utriusq; Sententiâ, communem esse omnibus Episcopatum. Ad cujus ultiorum confirmationem inservire etiam possunt Verba Cypriani, quibus Collegas suos & Co-episcopos in Concilio Carthaginensi congregatos ipse tanquam Primas Africæ adlocutus legitur, & quæ Augustinus suis de Baptismo contra Donatistas libris inseruit : *Nemo nostrum Episcopum se esse Episcoporum constituit, aut tyranno errore ad obsequendi necessitatem Collegas suos adgit, quando habet omnis Episcopus pro licentia Libertatis & potestatis sua arbitrium proprium, tanquam judicari ab alio non possit, quomodo nec ipse potest alterum judicare; sed expectemus universi iudicium Domini nostri Iesu Christi, qui unus & solus est potestatem habens & præponendi nos in Ecclesia sua gubernatione, & de actu nostro judicandi.* Quæ verba etiæ in pravum detorquere sensum hoc eodem capite conatur Bellarminus, Cypriani loqui statuens de iis, qui in Concilio Carthaginensi erant, nec includit sententia Romanum Pontificem, qui vere sit Episcopus Episcoporum & Pater Patrum; bene tamen monuit laudatus paulò ante Antonius de Dominis, *Propositionem hanc esse univer-*

universalem idem, quia Ratio, quam Cyprianus adsignat, universalis est, & concludit de universali, scilicet, liberum esse quemcunque Episcopum ad suam Ecclesiam regendam & docendam pro suo arbitrio, independenter à quocunque, exclusis tamen falsitatibus, quae aliquatissimè dñe custione essent jam ab Ecclesia abjecta, ut Augustinus ait.

CAPVT VIGESIMVM QVARTVM ET QVINTVM,

DE

Jure Adpellationum.

ID ut tanquam insigne argumentum pro Romani Pontificis primatu Monarchico Bellarminus exponat, non tantum ea profert ex Antiquitate documenta, quibus hoc *Adpellationum* Jus probari posse existimat, sed & infuper ad ea respondere conatur, quæ è contrario huic *Adpellationum* Juri prætenso ex eadem Antiquitate opponuntur. Ea inter dum occurrit Canon quidam Concilii Mileyitani, cui Augustinus quoque interfuit, ex Augustino responsum para Bellarminus, quo successu, nunc videamus. Canon illius Concilii secundus post vigesimum, ut vulgo citatur, sic habet: *Placuit, ut Presbyteri, Diaconi vel ceteri inferiores Clerici in causis, quas haberint, si de judiciis Episcoporum suorum questi fuerint, vicinos Episcopi eos audiant, & inter eos, quidquid est, finiant, exhibiti ab eis ex consensu Episcoporum suorum. Quod si & ab eis provocandum putaverint, non provocetur, nisi ad Africana Concilia, vel ad primates Provinciarum suarum. Ad transmarina autem qui putaverit adpellandum, à nullo intra Africam in communionem suscipiatur. In Codice Gratiani hæc quidem adjiciuntur verba, aliquam exhibentia limitationem, nisi forte Romanam Sedem adpellaverint. Sed in Notâ ibidem adjectâ monetur, *hac in antiquis Codicibus scribi tanquam Gratiani verba;* & ipse etiam Bellarminus ingenuè agnoscit, *hanc Gratiani exceptionem non videri quadrare, cum præcipue propter Romanam Ecclesiam Africani statuerint, ut adpellare non liceret ultra mare, nec consuetum fuerit unquam adpellari ab Africanis ultra mare, nisi ad Sedem Romanam.* Benè hæc ex parte scripsit Bellarminus, & satis ingenuè. Sed quæ sequuntur, non satis bene cum eis convenient. Dicit, *questionem non esse de adpellationibus Presbyterorum & minorum Clericorum, sed Episcoporum,* provocans ad Concilium Sardicense & autoritatem Augustini, hanc inculcantis differentiam. Illo nunc prætermisso, utpote quod præter Instituti rationem est, nisi quod Zonara Commentarius ad Concilii Sardensis Canonem pro Adpellationis Episcopalis jure citari solitus laudat hic omnino mereatur, universalitatem ejus notanter restringens; quid de Augustini in hanc rem Sententia habendum sit, ut exponatur, operæ videtur pretium. De eâ hunc in modum scribit Bellarminus: *Augustinum, qui* huic Concilio Mileyitano interfuerit, scribere, licere Episcopis Africanis adpellare ultra mare, Clericis Minoribus non item. Ante omnia autem hic observati mereretur, quod totam rem hanc sine ullis ambigibus confiscere potest, hunc Concilii Mileyitani Canonem communiter truncatum citari, coronide ejusdem omissa, id quod Chamierus, præprimis Panstr. obseruavit, notans, in Græcis Codicibus addi, *οι τοι επισκόπων πολλας ὥρισαν* Tom. II. ut etiam de Episcopis sapè sanctum est. Id si sit, per se cadit Responsio Bellarmini & discrimen inter Adpellationes Presbyterorum & Episcoporum, cum & horum & illorum Synodus Mileyitana prohibuerit, nimirum ultramarinas, in specie Romanam quam hic præcipue respici, Bellarminum audivimus fatentem. Quoad Augustini vero autoritatem, lectori fucum facere voluit Bellarminus, Eum Synodi hujus partem faciendo. Etsi enim id verum sit, nunquam tamen Bellarminus probat, Eum hoc discrimen inter Adpellationes Episcoporum & Presbyterorum adprobasse, illis concedendo, his autem denegando; cum Augustinus in Epistolâ, quam Bellarminus citavit, deliciâ & libertate Adpellationum ne verbum quidem habeat, sed historicè tantum agat de iis adpellationibus, quibus Donatistæ primum à Constantino Imperatore Judices Episcopos in causâ Cœciliiani petierunt, & Melchiadæ Romanæ Urbis Episcopum cum aliis quibusdam Episcopis obtinuerunt, post aliud ab eodem Imperatore impetrantes Judicium, Concilium videlicet Arelatense, donec tandem ab utroque tanquam sibi minus favente ad ipsum Imperatorem provocarunt & adpellarunt. Hanc ex Augustino rectionem historicam quia non parum Tractationi suæ adversariam vidit & prævidit Bellarminus, idèò quâ eidem ratione obviam ire oporteat, non sine causa fuit sollicitus.*

K

Si

Si enim Pontifex Romanus jure Divino est Suimus Judex, cur non motu proprio, sed jubente demum Imperatore in hac causâ judicavit? Item si ab Eo adpellari non potest, cur adpellari possit est à se ad aliud Judicium, Synodum videlicet Arelatensem? Imò cur ad tribunal quoque Imperatoris? Bellarminus quidem ad hanc omnia promptè responderet, sed non æquè pertinenter, & ad rem aptè. Dicit, *Pontificem non judicasse, nisi quando Imperator injunxerit, quia Donatistæ causam non primò detulerint ad Pontificem, ut debebam, sed ad Imperatorem, in quo male eos fecisse doceat ibidem Augustinus, scribens, Constantium Imperatorem longè ordinatus egisse, qui causam ad se delatum non ausus fuerit judicare, sed eam miserit ad Pontificem. Præterea, post Pontificem judicasse Episcopum Arelatensem & postea Imperatorem, non quia oportebat, scribentem Augustino, sed ut omnino obserueretur os Donatistarum; adeoque Imperatorem, teste eodem Augustino, veniam petitorum ab Episcopis causam illam cognovisse in-vitum.* Atqui præter ea, quæ supra jam ad nonum primi de principatu Papæ Monarchico, & tertium tertii de Judice Controversiarum libri caput de hujus Epistola Augustini arguento observata fuerunt, notandum hic in primis est, non id culpare Augustinum in Donatistis, quod ad hoc vel illud provocaverint Judicium, sed quod nullo stare volierint, ab omnibus ob causam non bonam adeo non iuste condemnati. Nec sincerè agit Bellarminus, scribens, *Constantinum non fuisse a summa judicare causam ad e delatam, sed misisse eam ad Pontificem;* cum Augustinus expressè habeat, Donatistas primum à Constantino petuisse judices Episcopos, non ut Ipse judicaret. Deinde concedit quidem, *non necessum fuisse,* ut Constantinus aliud eis daret Judicium, scilicet Arelatense Concilium; sed Imperatorum impietati eorum cessisse, & omni modo cupivisse tantam cohibere impudentiam. Non addit Augustinus, factum id bonâ cum Romani Pontificis veniâ, sine quâ fieri non potuisset, si jam tum Jus Adpellationum ad eum pertinuisse solum, àque ejus Judicio ad aliud provocare illicitum fuisset, ut hodiè Monarchicis Defensoribus persuatum esse solet. Tandem ubi post contemta à Donatistis Judicia Römanum & Arelatense ad ipsum Imperatoris Tribunal fuit provocatum, meminit quidem Augustinus, id *Eum suscepisse in-vitum, & non nisi venia prius ab Episcopis petita.* Verum notanter scribit Augustinus, ab Episcopis, non ab Episcopo, adeoque nec in specie à Romano, quod omnino factu opus fuisset, si Imperator verè Christianissimus de hoc Adpellationum Jure tantum ad Sedem Römanam spectante quidquam vel ex Jure Divino, quod planè hic nullum est, vel ex Concilii alicuius Oecumenici, si illum verè oecumenicum fuit unquam, Decreto, vel etiam usu Ecclesiarum recepto certi cognitum habuisset.

Et quia Bellarminus ad eripendum nobis Canonem Milevitanum, Augustini auctoritate utitur vel potius abutitur, idque præprimis ideo, quia Augustinus Synodi illius pars fuit; hinc jure, imò majori, ad Augustini auctoritatem contra Adpellationes solum Romanas provocamus, eum respiciendo tanquam partem & præcipuum quidem subsecutæ Synodi Carthaginensis, de cuius contra Romanam Sedem Decretis supra aliquid in anteclisum ad Libri de S. Scripturâ primi caput decimum notavimus, hic quam maximè pertinens. Adjicimus nunc illud, cuius sub initium hujus capituli aliqua est mentio facta, Commentarium scilicet Zonarae ad Canonem Synodi Sardicensis, quem ad explicandum Canonem Milevitanum Bellarminus adduxerat ideo, quia Adpellationes Episcoporum ad Sedem Romanam adprobare & confirmare videtur. Ita autem Zonaras ibi: *Hujus Canonis Decreto summi Sacerdotes antique Roma in quacunque causa ab Episcopis provocationem ad ipsos dari jactant, ac eundem in prima Synodo Nicenâ Oecumenicâ conditum suisse falsò adfirmant; quod quidem cum in Synodo Carthaginensi propositum fuisse, minimè cum veritate probatum est consentire, ut satis que ante Canonum Expositionem ab ipsâ Synodo sunt scripta, testantur.* Addit, *Neque igitur hic Canon à Nicenâ Synodo editus fuit, neque ad ipsum Romanum Pontificem provocaciones ab omnibus Episcopis, sed ab iis tantummodo, qui eidem subjecti erant, dari oportere decrevit.* Quia vero ad ea provocavit, quæ ante Canonum Expositionem ab ipsâ Synodo sunt scripta, hinc in eorum recensione, post repetitum Concilii Sardicensis canonem, hanc Augustini verba memorat: *Et hoc nos servato profitemur, salvâ (vel præservatâ) diligentiore Concilii Nicenâ Inquisitione.* Ad quæ & alia subsequentia Zonaras hanc addit: *Commemoratum canone, quasi in Nicenâ Synodo Oecumenicâ editum promulgavere, scilicet Patres in illâ Synodo congregati. Quare illum & Augustinus Episcopus, non omisâ interim diligentiori in Nicenam Synodum Inquisitione, siquidem ab eâ Synodo conditum fuisse constat, servandum proposuit. Tum Reliqui Patres Synodi, quæcumque in Nicenâ Synodo fuerant definita, omnibus accepta esse.*

esse significarunt. Possent hæc videri inservire Juri Adpellationum Episcopaliū confirmando, nisi idem *Zonaras* ante jam ad canonem Concilii Sardicensis observasset, falso summos antique Roma Sacerdotes adfirmasse, eum in primā Synodo Nicenā conditum fuisse, cùm subseqvuta diligenter Inquisitio ostenderet, cum à Nicenā Synodo editum non esse. Patet indè, ipsam quoque acceptationem hujus Canonis ab Augustino & cæteris ibidem Episcopis factam, utpote conditionatam, si nimur inter genuinos Synodi Nicenæ Canones inveniretur, nullam fuisse & invalidam. Unde & in Canonum collectio-
ne, quæ tūm ex antecedentibus Afrorum Concilii facta est, non solum in genere Ca-
non post vigesimum sextus prohibet, ut Episcopi trans mare non peregrinentur, nisi cum de-
creto (consensu) prima Cathedrae proprii uniuscujusq. Regionis Episcopi, hoc est, nisi ab ipso
Primate præcipue acceperit eam, qua dicitur dimissoriam, formatam sive expositionem; sed in
specie etiam ille Canon Synodi Milevitana repetitus est, de quo ante ex Chamieri ob-
servatione monuimus, quod non Presbyteros solum & minores Clericos, sed & ipsos
Episcopos ab Adpellationibus transmarinis, id est, ipso teste Bellarmino, Romanis
prohibuerit & abstinere sub pœna denegandæ Communionis jussit. Ad quem Ca-
nonem *Zonaras* idem optimè notavit: *Hic certè ventosa Romanorum Ecclesiæ superbia, ab*
aliis omnibus Ecclesiis ad illam provocaciones dari jaſtantium, subsidat necesse est. Si enim
ab Africanis Ecclesiis non datur, (est quidem certe Roma trans mare, si ad Africanam compare-
tur:) multò minus in Regiones magis adhuc sepositas Ius ejusmodi obtinebit. Accedit obser-
vatu itidem dignissimus in eadem collectione Canon post quadragesimum secundus, ut
prima Cathedra episcopus non dicatur Sacerdotum Exarchus vel summus Sacerdos, vel ullo a-
lio tali modo, sed solum prime Cathedra Episcopus. Quo Canone annon Patres Africani
& inter eos Augustinus, Episcopo Sedis Romanæ præter alia, ipsum quoque hoc Adpel-
lationum transmarinarum Jus & privilegium voluerint abrogatum, judicet, qui judicare
potest. *Zonaras* id quoque sequentibus observavit verbis: *Hic Canon cum aliis nomi-*
nibus hoc quoq. (scil. Exarchi) repudiat, non aliam opinor ob causam, quam ut arrogantiam
elationemq. comprimeret, fastumq. è communī virā tolleret omnino & deleret. Quod enim
hic in genere notavit, paulò ante Eum in specie ad Romanæ Sedis Episcopos applicasse
tatis clare vidimus. Plura ex eadem Canonum Carthaginensium collectione in rem
præsentem adducere nunc quidem supersedeo, cùm ex his manifestum sit, Augustinum
& Synodi Milevitanae, & post Carthaginensis partem non infirmam, sed ferè primariam
Jus Adpellationum Romanarum juxta Decretum Synodi Nicenæ, quod nullum fuit,
non agnovisse. Etsi enim in ipsa Synodo Carthaginensi, ubi tale audivit à Legatis Pon-
tificiis recitari, neque crimen aliquod falsi, quæ fuit ingenua Simplicitate, creditit in-
tercedere, se cum ceteris ibi Episcopis, in honorem illius Synodi, quæ maximū tum
temporis æstimabatur, illud servaturum promiserit, ut modò ex Actis Synodi legimus,
ipseque Bellarminus hâc Augustini Professione multum se lucraturum putavit; quia ta-
men expresa reservatio fuit adjuncta diligentioris circa hujus Decreti vel veritatem
vel falsitatem inquisitionis, neque ejusdem documenta sine suppositionis suspicione
proferti potuerunt, nemo non videt, obligationem hanc conditione non impletâ per se
fuisse sublatam, accendentibus insuper Decretis & Canonibus ibi confirmatis, quibus
infirmandis nulla haſtenus Glossa fuit sufficiens. Bellarminus quidem illud in primis
urget, quod eti Decretum illud pro Jure Adpellationum Romanarum in Actis Syno-
di Nicenæ tum inventari non potuerit, neque etiam hodiè inter eos legatur Canones,
qui utrobique pro indubitate suscipiuntur, inque Conciliorum Tomis & Summis com-
muniter recensentur; plura tamen hinc indè à Scriptoribus Ecclesiasticis citati in illâ
Synodo tractata, quæ ibi quoque non inveniantur. Ex eorum numero ad præsens per-
tinet Institutum, quod ex Augustino citat, adserente, in hâc Synodo Nicenâ prohibi- Epist. 110
tum fuisse, ne duo Episcopi simul sedeant in eadem Ecclesiâ, de quâ tamen Constitutione
monet Bellarminus, Eam nullibi inter canones viginti haſtenus ubique & ab omnibus
receptos adparere. Nescio, quis stupor, aut ignorantia (vix enim malitia illud audeo
adscribere,) Bellarminum occupatit, id in Synodi Nicenæ Canonibus non videntis aut
videre volentis, quod in iis tamen Conciliorum Editionibus legitur, quæ ante Bellarmi-
ni Polemarchiam publicè jam extiterunt.

Quamvis enim *Gratianus* in Corpore Juris Canonici, vel in Concordiâ, ut inscri-
bitur, Canonum discordantium, illud Synodi Nicenæ Decretum, quo hæc Constitutio si qui, r.
exhibitetur, priore tantum sui parte legi voluerit, posteriore omissa, utpote ad Institutum qu. 7.

Tomi I. Controversia III.

112

non pertinente; in cæteris tamen plerisque Editionibus, etiam antiquissimis, videre potuit & legere Bellarminus id, quod ibi non adparere scripsit. Hinc & qui post Bellarminum Canones Conciliorum ediderunt, hanc de uno tantum Episcopo in quavis Ecclesiæ Constitutionem non prætermiserunt. *Pisanus*, qui Seculo adhuc priore Aetâ & Canones hujus Synodi non tantum ex Græcorum & Latinorum, sed & , ut gloriatur, Arabum monumentis, non tamen undiqueaque authenticis, Volumine speciali collegit, Decretum illud, cui hæc Constitutio inseritur, numero & ordine, quem sibi dedit, tertium fecit, simile post numero & ordine quadragesimum exhibens; addidit tamen, inter vulgatos, id est, communiter receptos esse numero & ordine octavum, quo etiam loco plerunque citatur à novissimis etiam, *Sylvio*, *Bailio*, & qui post omnes alios huic studio operam impendit, *Cabassutio*. Addo, aliquos eorum ingenuè fateri, Augustinum hujus Constitutionis mentione ad laudatum Canonem octavum respexit. *Coriolanus* certè in suâ ad hunc Canonem Notatione horum Augustini verborum cum aliquâ meminit emendatione. Verba Augustini ex citatâ per Bellarminum Epistolâ hæc sunt: *Adhuc in corpore posito beatæ memoriae Patre & Episcopo meo Sene Valerio Episcopus ordinatus sum & sedi cum illo, quod Concilio Nicæno prohibitum fuisse nesciebam*. Coriolanus adit: *Quod autem subiungit ibidem Augustinus, Valerium eandem prohibitionem ignorasse, his, quæ in Vita Augustini refert Possidius vel Poffidonus, planè repugnat. Ille enim scribit, Valerium corpore & atite infirmum, ne sua Ecclesiæ Sacerdos, Episcopali munere & officio propter admirabilem Doctrinam & Pietatem dignissimus, ab aliis Civitatibus Episcopo carentibus eriperetur, secreti literis apud Primatum Episcopum Sedis Carthaginensis egisse, imbecillitatem corporis sui atatisque gravitatem allegasse & obsecrassæ, ut Hipponensi Ecclesiæ ordinaretur Episcopus, qui suæ Cathedrae non jam succederet, sed Consacerdos accederet Augustinus*. Justè an secus Augustini verba hic emendet *Coriolanus*, Lector judicet. Ego illud tantum observo, eundem *Coriolanum*, qui hunc Canonem Nicænum exhibet, ad quem Augustinum respexit nullum plane est dubium, in prænotatis ad hujus Synodi historiam inter cæteros Canones, qui hodiè desiderantur, hunc quoque ex Augustino numerare, eoque sibi ipsi contradicere & scribere. Indubiam vero hujus octavi Canonis esse autoritatem ante Annos non ita multos docuerunt Reformatorum crudissimi

Apol. pro Blondellus & Hammondus, Gallus ille, hic Anglus, in cædem Controversiâ de Singulat. Hier. pag. 189. Dif. fert. V. p. 219.

tate vel unitate Episcopi Ecclesiæ cujusvis ad hunc Canonem octavum provocantes, id non facturi, si aliam eâ de re Constitutionem judicasent necessariam, Viri in Ecclesiasticis Antiquitatibus eruditis undiqueaque veritatisim. Sed nec dum ad quiete potest Bellarminus, verùm ulterius sollicitari debuit Augustinus, ne videlicet Juri Adpellationum Romanarum videceret contrarius, amicissimus nimirum Pontificibus suo tempore Romanis, quos non solum impensè laudaverit, sed & eorum primatum in Africam, imò in universum orbem Christianum, aperiè prædicaverit, imò Papæ Bonifacio in specie subiectus. Laudes, quas Episcopis Romanæ Sedis Augustinus adscripsit, quod attinet, doctrinam sine dubio respiciunt, quæ tum, quam hodiè purior longè fuit & magis orthodoxa, non parum adhuc residui habens de Sinceritate Apostolicâ, quorum studio Romæ Ecclesiæ fuisse plantatam non improbabiliter adeo credidit, Sedis Apostolicæ non temel in Epistolis & cæteris Tractatibus suis memor; de cætero Typum (vel potius typum) Praedium Romanensem non ita dissimulans, ut non sèpius hinc inde, nomine etiam publico, acris cum perstringeret, ut Augustini Scripta legentibus ignotum esse non potest. Adscripsit quidem literas Beatiissimo & Honorandissimo Fratri Innocentio, nomine utriusque Concilii & Carthaginensis & Milevitani, ut supra jam dictum est; sed & alias adscripsit literas dilectissimis & merito prædicandis fratribus Donatistarum Episcopis, quos si non plane hæreticos, ad minimum schismaticos fuisse tum habitos, constat. Videas hodiè id etiam observare, qui modestius cum falsis Doctoribus & magis politicè, ut vocant, verlari consultius dicunt, ut tales eis honorum titulos & Elogia adscribant, qui solis fidelibus & orthodoxis Ecclesiæ Doctoribus de jure & merito adscribi debent, quos tamen ob id accusare tanquam intinximus cum illis coniunctos & in omnibus convenientes, nescio an absque eorum fieri posset protestatione, quos tamen magis forte deceret Scapham dicere & scribere Scapham, quam palpum iis obrudere, quibus ob vim orthodoxæ Veritati factam non nisi duriora debentur. De cætero Augustinum Romanum Pontificis primatum in Africam, imò in universum orbem Christianum aperiè prædicasse, facilius dicitur & scribitur à Bellarmino, quam ut documentis sufficientibus demonstrare possit, cùm neque hoc illud verum esse ex proximè antecedentibus clarum

clarum sit. Non illud. Etsi enim Augustinus scribit, se & alios quosdam in Africā Episcopos injunctā à Venerabili Papā Zosimo, Apostolice Sedis Episcopo, necessitate Ecclesiastica Cäfaream attractos fuisse, ad caput tamen proximè antecedens jam fuit ostensum, quid de illa necessitate Ecclesiastica statuendum sit, ne aliquis indē primatus Romani Pontificis monarchicus emergat, utpote quem Patres Africani nunquam & nullo planè modo agnoverunt. Neque hoc etiam, & multò quidem minus. Fraudem hic iterum commisit Bellarminus, dum suæ opinionis testem citare aulus est Augustinum, scribentem, haren Pelagianam ab Innocentio & Zosimo toto orbe esse damnatam; cùm tamen ipsa loci inspectio ostendat, Augustinum id non solis Pontificibus Romanis, sed simul & an. Epist. 157. antecedenter Conciliis Episcopilibus, nimurum, quod ex contextu patet, Africanis adtribuisse, quorum vigilantia ibidem laudata Bellarminus in gratiam Sedi Romanæ id detractum præter omne jus & meritum voluit. Omnia minime autem veritati congruum est, Augustinum Bonifacio Papa subiectum fuisse, ipso contradicente loco, quo Bellarminus ad ejus confirmationem usus est, utpote ex quo itidem ad caput proximè antecedens ostensum fuit, Augustinum provocasse ad communem Episcopatum, qui nullum planè locum obtinueret, si principatum aliquem Monarchicum Sedi Romanae ex Jure vel Divino vel humano utrinque recepto deberet Augustinus cognitum habuisset. Nec quidquam juvat causam Bellarmini, quod Augustinus alicubi humiliiter, vel humaniter potius, & fraternè in causā Episcopi cuiusdam Afri, ad Papam Cœlestinum scripsisse legitur, Eademque rem illam commendasse verbis, quæ primā quidem facie aliquid habere in recessu videntur, in ipso autem contextu & antecedentium & consequentium lecta, nihil planè Scopo Bellarmini inserviunt, præprimis si ea demantur, quæ Bellarminus de suo ex indebita liberalitate adjectit. Ita autem Episcopus Hippomensis ad Romanum: *Collabora, obsecro, nobiscum, Pietate Venerabilis Domine, Beatisime & Charitate debitā Venerande Papa, & jube, Tibi, quæ directa sunt, omnia recitari.* Nullus in his verbis primatus, nullus principatus vel suprematus, quem Augustinus Pontifici Romano detulisse videri potuerit. Sed & nec sequentia tale quid habent, modò absque Bellarmini additamento, ut par est & justum, legantur, dum post aliqua Augustinus hunc in modum scribit: *Existat exemplo, ipsa Sede Apostolica (Bellarminus interserit, judicante, vel aliorum) Iudicia firmante &c. præprimis si ex sequentibus observetur, quid Augustinum moverit, ut hanc causam ad Pontificem Romanum existimaverit deferendam, nimurum, quia cognovit, adversam partem illud Tribunal jam præoccupasse, victoriāque ex eo obtainendam sibi promisisse aliisque minaciam fuisse.* Ita enim porrò quibusdam intercedentibus ad Pontificem scribit: *Iudicia & publicas potestates, & militares impetus, tanquam executuros Apostolica Sedis sententiam, creberrimi rumores minantur, ut miseri homines Christiani-Catholici graviora formident à Catholicō Episcopo, quam cū essent heretici, à Catholicorum Imperatorum legibus formidabant.* Pergit augustinissimus simul & mansuetissimus Doctor: *Non sinas ista fieri, obsecro Te, per Christi Sanguinem, per Apostoli Petri memoriam, qui Christianorum populorum Præpositos monuit, ne violenter dominentur inter Fratres.* Inter fratres, inquam, quales non dicerentur, si Petri Successor principatum in eos obtineret Monarchicum, Dominus eorum potius & Pater, quam confrater dicendus.

Observatis hisce contra Bellarminum de Jure vel injury Adpellationum ad Sēdem Romanam addere lubet pauca, quæ recentior controversia inter Norisium & Risbrochium de hoc eodem negotio luppeditat, ne quid pertinens ad hoc argumentum studiosè videatur prætermisum. Impingit nimurum Risbrochius Dogmatistæ Norisio Dominicis, id est, Dogma à Marco Antonio de Dominis, quem astutum & versipelle p. 185. & vocat hæreticum, mutuo sumptum, ut ut ipsum sibi proposuerit refutandum, in cuius tamen postea errorem miserabiliter sit lapsus. Marcus nempè Antonius de Dominis, in opere de Republica Ecclesiastica hanc Quæstionem tractans, de Africanis sextæ Synodi Carthaginensis Patribus ita scripsit inter alia: *Africana Ecclesia vehementer restitit Patriui Romano tempore Augustini, Augustino etiam ipso cum reliquis adversus Papatum reclamante.* Hanc archiEpiscopi Spalatensis, quo gaudebat titulo ante transitum ad Anglos, Sententiam rejiciens Norisius non ingratus fuit visus Risbrochio, de eo sic scribenti: *reprehendit graviter Antonium, quod inter ceteros augustinum numeraverit, & Schisma videtur negare propter honorem Augustini; sed postea immemor sui admittit Schisma, & Augustinum numerat inter schismatics, & qui defensionem egerat, agit prævaricatorem.* Ut Norisi partes nunc agam, à me non possum impetrare; sufficit obser-

servasse, *Norisium*, utut conatum liberare Augustinum à contradictione Romanâ, vitamen Veritatis coactum post plura in eam rem tentata agnoscere, ex observatione *Baronii*, ficticias esse literas, quæ sub *Bonifacii Papæ secundi nomine ab Epistolarum Pontificalium Editoribus, Binio nominatim exhibentur, ac fœdis illas scatere mendaciis*, in quibus sequentia leguntur: *Aurelius, Ecclesia Carthaginensis olim Episcopus, cum Collegis suis*, (inter quos non postremus erat Augustinus) *instigante Diabolo, superbire temporibus Prædecessorum nostrorum, Bonifacii atque Cœlestini, contra Ecclesiam Romanam capit*; ac indicatis suæ hujus Censuræ rationibus subjunxit, Augustinum, cæterosque Collegas cum *Aurelio Primate adpellationibus transmarinis* sese non instigante Diabolo opposuisse, sed *antiquissimam Ecclesiarum Africanarum consuetudine* motos, quam ægrè tulerint Apiaii, hominis cœlestissimi conatibus primum infringi. *Nora benè, Lector optimè, Norisum hanc Præsum Africanorum protestationem contra adpellationes transmarinas adscribere consuetudini non novitæ, non heri demum aut nudius tertius natæ aut receptæ, sed antiquissime, nec unius vel alterius tantum in Africâ Ecclesiæ, verum in numero plurali Ecclesiarum, nullâ cum ullius in illâ regione à cæteris omnibus exceptione, & quod non parvi nec nullius videri debet momenti, hanc consuetudinem antiquissimam & in Africâ universalem Augustini primum tempore infringi ceperisse, & quidem conatu hominis cœlestissimi, qui in nullum omnino censem jure debebat venire, sed ab illis, ad quos Adpellatio est facta, cognitâ ejus causâ sine omni morâ repudiari. Hoc præterea meretur notari, quod *Risbrochius* hanc de Adpellationibus ab Ecclesia Africanâ per Episcopale Concilium repudiatis & annihilatis Sententiam vocat *Dominicisum*, quasi *Marcus Antonius de Dominis* primus Author ejus fuisset, & ante ipsum, qui vestigia Lutheri, Reformatoris animosissimi, Zelo ferventi presserunt, ac Papatus Romani tribunal, ad quod solum ex omni terrarum orbe adpellandum esset, viribus è Cœlo largiter concessis oppugnârunt, hanc Quæstionem historicam non parum Instituto, quod urgebant, utilem prætermisssent, nominatim *Centuriatores Magdeburgici*, & laboriosissimum inter illos, *Mathias Flacius*, Author etiam *Catalogi Testium Veritatis*, cuius nuperæ Editioni peculiaris de hac *Synodo Carthaginensi*, in qua hæc contra Adpellationes Romanas protestatio facta est, Tractatus cum aliis lectu dignissimus est adjunctus, qui *Risbrochio* ignotus esse non potuit, certè non debuit, utpote quem Bellarminus hanc tractans Controvertiam sumvit et examinandum, in plerisque vero partibus reliquit inconcussum. Ut adeò primus non fuerit *Marcus Antonius de Dominis*, qui hanc Patrum Africanorum oppositionem contra quæsumum à Pontificibus Romanis Jus adpellationum ad tribunal suum observaverit, *Norisio vi Veritatis adacto*, ut quod semel benè factum vidit, à graviori accusatione liberaret. Quæ in hoc codem argumenta non ita pridem contra *Lupum*, Professorem Lovaniensem, Ejusque Notas in Canones Synodicos, qui *Norisio* præluisse videtur, prolixissimè post alios scriptis in altera Commentatione Polemica, *Verona* primum edita, *Franciscus Macedo*, ex ante dictis sufficiens habent responsum.*

Quia sub initium hujus Quæstionis facta est mentio Concilii illius *Milevitani*, cui interfuit Augustinus, & Decreti ex eodem contra Adpellationem ad *Judicia*, ut vocabant Afri, *transmarina*, addita observatione, ut plurimum illud citari mutum, quasi Presbyteros tantum respiceret, non item Episcopos, *Chamiero* autem ad *Græcos Codices* provocante, Episcopis idem jus cum Presbyteris ex antiquâ constitutione præscribentes juvat addere, qua *Petrus de Marca*, ArchiEpiscopus Parisiensis in laudato non semel opere de *libertatibus Ecclesiæ Gallicana*, seu de *Concordia Sacerdotii & Imperii* de hac adpendice notavit verbis sequentibus: *Digladiantur hic Scriptores, Cardinales enim Baronius & Perronius contendunt, eam clausulam esse delendam, pluribus argumentis. Primum ajunt, eam non extare in canonibus Concilii Milevitani. Verum id quidem, addita enim fuit de industria, quo primum tempore adornata est collectio canonum Africana. Deinde ajunt, eo in primis arguento evinci delendam esse hanc clausulam, quod prohibitio illa nuspian extet in Conciliis Africanis, quod tamen ut rem certam tradit collector, Gravis sanè accusatio, inquit Marca, si extarent omnium Conciliorum Africæ Canonæ, nec quidquam simile in eis reperiatur. Verum caremus multis Conciliis Africanis, quibus, si extarent, major fides esset habenda, quam iis, qui eorum contradicunt Scriptiōni. Nam præterea Concilium Africanum Anni post quadringentesimum & decimum octavi pronuntiavit aperte, non toleraturos se Adpellationes ad Sedem Apostolicam, si constiterit, Jus illud Sedi Romanæ tributum non fuisse à Synodo Nicena. Prohibitio autem*

L.7.c.16.
n. 5 p. 254
& seqq.

autem illa antecedit tempora Collectionis Canonum Africanorum, quamvis Concilium Milevanum, in quo addita est hæc clausula, sit antiquius illâ prohibitione. Constat ergò in ea Sententia fuisse Afros, ut existimaverint, ad Apostolicam Sedem provocari non posse à Judicibus electis, neque etiam à Concilio Africæ universali. *Addit Marca,* hoc præjudicio usos esse Gallos ætate Hincmari, quam in sequentibus exponit historiam. Neque etiam dissimulat opinionem *Perroni*, existimantis, Adpellationes Episcoporum Africanorum recipi solitas ab Apostolica Sede ante habita hæc Concilia Africana, indicans. Eum hujus rei probationem petere ex Augustini Epistola ad Glorium, cuius suprà etiam est facta mentio, in qua loquens Augustinus de Cœciliiano, Carthaginensi Episcopo, & de Episcopis, qui partes Cœciliiani tovebant, aduersus quos, licet absentes, Synodus Donatistarum sententiam damnationis protulerat, ait, eos posse causam suam reservare judicio aliorum Collegarum, præfertim Ecclesiarum Apostolicarum, & ostendere, Sententias latas aduersus absentes nullius esse roboris; non enim, inquit, agebatur de Presbyteris aut Diaconis, sed de Collegis. Tum addit, nullius momenti apud Cœcilianum esse debere multitudinem inimicorum ipsi insidianum, quandoquidem communione junctus erat Ecclesia Romana & aliis Ecclesiis, undè Fides Evangelii fluxerat. *Verum*, sic responderet Marca, id non probat, provocatum fuisse ad summum Pontificem, sed tantum expostulatum apud omnes Ecclesias de injuria Cœciliano irrogata. Nam Augustinus eam cognitionem aliis Collegis reservat indefinite, prælertim verò Ecclesiis Apostolicis, inter quas Romana erat prima, non unica tamen; Sapienter porrò hic Augustinus mentionem facit Ecclesiarum Apostolicarum in Controversia, quæ turbabat Africam, divisam in Donatistas Schismaticos, & in Coecilianum ac Ecclesias Catholicas eidem adhærentes. Nam ad ostendendum, quinam ex illis facerent schisma, ratio habenda non erat damnationum, quæ ab utrâque parte in adversarios decernebantur, neque ex eis peti poterat præjudicium bona causa, sed inficiendum erat, quinam communione coniuncti essent Ecclesia Romana & cæteris Ecclesias Apostolicis; nam Regula illa constans est & certa, Unitatem consistere in communione Ecclesiarum Apostolicarum, contra fieri Schisma, si quis se ab eis separaret. Quapropter Justinianus Imperator, in usum revocans Regulam ab Augustino propositam, decernit in *Novella Constitutione* post centesimam nonā, eos esse hæreticos, qui neque communicant, neque contentiunt Professioni Fidei, quæ summo consenuit prædicatur à Patriarchis Romæ & Occidentis, (item) Constantinopolitano, Alexandriano, Antiocheno & Hierosolymitano, & ab Episcopis, qui sunt sub eorum potestate. Optimè igitur ajebat Augustinus posse Coecilianum in hæc Schismatis causâ spernere hostes suos, cum communione junctus esset Ecclesia Romana & cæteris Ecclesiis, undè fluxerat Evangelium; ac posse illum reservare causam integrum judicio aliorum Collegarum, prælertim Ecclesiarum Apostolicarum. Ostendit autem id quidem, scribit porrò Marca, autoritatem illarum Ecclesiarum, ac prælertim Romanae, pro conservatione Unitatis & communioris, sed non probat adpellari posse à judicio Episcoporum Africanorum ad Sedem Romanam, vel ad alias Ecclesias Apostolicas, in causâ Disciplinæ, quando Episcopi sunt Catholici. *Hec omnia ArchiEpiscopus Parisiensis*. Eadem ferè nuper repetit *Guilielmus Beveregius*, *Synodici Oxoniensis vel Pandectarum Iuris Canonici Ecclesiae Gracæ Editor*, in suis ad Canonem Concilii Carthaginensis trigesimum & prium Notis, ita ut à Marca mutuò accepisse videatur.

CAPVT VIGESIMVM SEXTVM & seqq.

DE

Summo Pontifice à nemine judicando.

ID dum Bellarminus, omissis Scripturae testimoniis, quæ in rem suam nulla habuit, præmissis tamen Conciliorum Decretis utplurimum minus authenticis, additis Pontificum in re propriâ Judicium Decisionibus comet ipso suspectis, quin & subiunctis aliquibus Imperatorum confessionibus per se insufficientibus planè, etiam Ecclesia Doctorum suffragio demonstrare conatur, inter eos autem silentio Augustinum præterit, nihil ex Eo auxillii sperandum esse docuit, quod, si juxta quorundam hodiè opinionem Sententia esset dicenda, nobis quidem Evangelicis posset esse satis. Quia verò in solutione argumentorum contra Papæ ab omni aliorum Judicio & Censurâ exemptionem aliquoties Augustini mentio occurrit, idēc paulisper & hic erit subsistendum. Et quia ex *Nili*, Thessalonicensis olim ArchiEpiscopi rationibus prima Paulum Petri Antiochum fistit, ex cuius facto sequi vide-

tur, neque Papam Romanum Petri, ut videri vult, Successorem in Cathedrâ omnium Judicio majorem & superiorem esse, ut nulli mortalium de factis vitâque suâ rationem reddere teneatur; ideo respondet Bellarminus ex Augustino & Gregorio, Paulum non reprehendisse Petrum, quomodo majores de minoribus ex autoritate judicant, sed quomodo minores interdum majores suos ex charitate corripiunt. Si sepositâ Augustini autoritate responderi deberet, dicere, neque illo respectu Petrum à Paulo reprehensum esse, id est, neque ut minorem, neque ut majorem, datur enim adhuc tertium, id est, ut parem & in officio Apostolatus sibi similem. Sed &, si ipsa Augustini Verba circa hanc Correctionem Paulo-Petrinam ex loco per Bellarminum citato accuratius ponderemus, singularem aliquam disparitatem & dissimilitudinem observare licet; quæ ut supra jam fuerint adducta, meritò tamen & hic leguntur, ut Bellarmini fraus eò manifestior evadat. Ita autem Doctor hic etiam augustinus: *Ipsé Petrus, ad Hieron.*, quod à Paulo siebat utiliter libertate charitatis, sanctâ ac benignâ pietate Humilitatis acceptit, atque ita Rarius & Sanctius Exemplum posteris præbuit, quo non designarentur, scilicet foris recti tramitem reliquissent, etiam à posterioribus corrige; quam Paulus, quo confidenter auderent & minores majoribus pro defendenda Veritate Evangelicâ, salvâ charitate fraternali resistere. Ipsam hanc Controversiam Petro-Paulinam quod attinet, de eâ jam ante non semel aliquid fuit pro Instituti ratione observatum, in primis ad caput tertii de Sacra Scripturâ libri tertium. Nunc id tantum contra Bellarminum notetur, Augustinum non dixisse, quod Paulus reprehenderit Petrum, quomodo minores interdum majores suos ex charitate corripiunt, sed quâ ratione posteriores corrigerent solent eos, qui in officio priores sunt, temporis nimirum ratione, quamvis in applicatione addat, quia Petrus communiter primus Apostolorum fuit habitus, Paulum ut pote posteriore vocazione ad Apostolatum, hâc liberâ correctione præbuisse Exemplum, quod & minores aliorum judicio & quocunque etiam respectu confidenter auderent majoribus pro defendenda Veritate Evangelicâ resistere, salvâ charitate fraternali, quæ ipsa restrictio ab Augustino notanter adjecta principatum inter fratres adeòque hâc etiam ratione pares Monarchicum omnino tollit & auferit, id quod supra obseruat hic addendum fuit. Sequitur ex *Nili* contra Papæ Romani ab omni aliorum iurisdictione exemptionem rationibus quarta, quæ in specie id etiam objicit, quod sexta Synodus generalis Canone peculiari reprehenderit Ecclesiam Romanensem, quod in Quadragesima etiam Sabbatho jejunet, ac præcepit, ne id amplius fiat. Bellarminus ut contra authoritatem hujus Concilii defendat authoritatem Pontificis Romani, inter alia provocat ad Hieronymi & Augustini testimonia, ut potè statuerint, lejunium Sabbathi rem esse indifferentem, & quamvis Regionem servare posse morem suum, addens, Concilium illud Gratorum nec debuisse nec potuisse Legem hâc de re Latinis ponere. Quia autem de utroque, authoritate videlicet Conciliorum, & ipso Sabbathi Jejunio infra suis agetur locis, utrumque etiam eorum reservamus.

Joh. 19. Ad alia igitur contra hanc Exemptionem accessus sicut argumenta, quæ ex Turrematâ & aliis quibusdam colligit Bellarminus, adque ea respondere studet, inter quæ primum occupat locum, quod ex Verbis Christi desumitur, qui tempore Passionis Pilato, Præsidi Romano, potestatem in se desuper datam & concessam agnovit; desuper, inquam, id est, à Deo, iuxta Augustini explicationem, unde sequitur, multò magis Pontificem Romanum, qui se Christi Vicarium nominat, potestati Imperatoria subjici debere. Bellarminus in responsive opponit Cyrilli, Alexandrini & Chrysostomi Sententiam, statuentem, Christum loqui de permissione Divinâ. Quasi verò hâc Permissio, quam hi duo Patres Græci hic intelligunt, & ipsa potestas Jurisdictionis, de quâ Augustinus & post Eum Bernhardus hæc Christi verba explicant, sint opposita & non potius subordinata, ita ut permisso Divina humanam præcedat potestatem, hæc verò illam præsupponat & sequatur. Agnoscere id ipsum ex parte coactus fuit Bellarminus, concedens, Expositionem Patrum Gratorum videri quidem magis literalem, sed & Augustini Sententiam nihil habere adversus Papa à iurisdictione omnimoda exemptionem; quod tamen ita miserabiliter ostendit, ut miseratione dignus videatur. Dicit, Pilatum habuisse revera potestatem in Christum, verum non per se, sed per accidens. Habuisse Eum per se potestatem in omnes Iudeos, qui Romanorum Imperio subjecti erant. Porro Christum Ei fuisse oblatum ut unum aliquem de numero privatorum, & propterea in ipsum ut sic oblatum habuisse potestatem. Addit, Et si enim suspicabatur Pilatus, Christum Dei Filium esse, non tamen ut Dei Filium, sed

De Summo Pontifice. Lib. I. Cap. XXVI. & seqq. 117

ut privatum judicavit Iudeum, quem ad modum si hoc tempore Clericus quispiam mutato habitu offerretur Pratori judicandus, posset Prator ex autoritate in eum animadvertere, & à culpâ excusaretur, si ignorantia vere esset probabilis. Egregium in abstrahendo & comparando artificem Bellarminum! Paucis, Christus Dei ab aeterno, sed & Mariæ in tempore Filius, verè fuit Iudæus, è Matre Iudæa natus, Legi etiam & Potestati tam Divinæ quam humanae ex liberrimæ Voluntatis arbitrio subiectus, verè fuit etiam Pilatus, Romanorum in Iudæa Præside Vicario subditus, id quod ultrò erga Pilatum tempore Passionis agnoscit, ut ambagibus Bellarmini abstractivis & comparativis non sit opus, verbis ex ore Veritatis plus quam perspicuis.

Succedit nunc argumentum ordine & numero quartum, contra Pontificis Romanis à Jurisdictione politica exemptionem, cui Bellarminus partim ex Augustino satisfacere studet. Est id desumptum ex Veteri Testamento & Lege, ut potè quā durante Rex non solum judicabat, sed etiam deponebat Sacerdotem, cuius exemplum Salomo præbuit, deponens Abiatharem, & Sadocum constituens in locum Ejus; unde sequitur, *parivatione in Novo etiam Testamento Imperatoris Christiani esse, Christianum Pontificem iudicare.* Inter cetera, quæ Bellarmino hic reponere fuit vñsum, preminet negotio similitudinis & comparationis. Ita autem scribit: *Cum in Veteri Testamento promissiones tantum fuerint temporales, & in Novo Spirituales & aeternæ, docente id præter Hieronymum Augustino, mirum non esset, si in Testamento Veteri Summa Potestas fuisset temporalis, in Novo autem spiritualis.* De nullitate inanis consequentiae non dicam, quamvis nondum memoria exciderit, quid supra pro statu Monarchico in Ecclesiasticis adstruendo ex comparatione Veteris Testamenti cum Novo Bellarminus in medium produxit; sed Augustinum modò ab errore, quem in Socinianis hodiè & Remonstrantibus tanquam Fidei analogiaz contrarium damnamus, pro ratione Instituti vindicabitur, quod iterum commodius fieri non potest, quam si Augustum Doctorem ipsum locis à Bellarmino citaris evolamus. Duo autem sunt, ad quæ Bellarminus provocavit, in quorum priore quidem expressè hac leguntur, quod difficilimè reperiatur in libris Testamenti Veteris aliquid ex. Super Numeros, Quæst. 33. dentius de *Vita Animæ post mortem* fuisse conscriptum; sed in antecedentibus clarè satis explicata: *Eadem sunt in Veteri & Novo, ibi obumbrata, hic revelata, ibi p̄figurata, hic manifestata.* Nam non solum Sacraenta sunt diversa, verū etiam promissa ibi videntur temporalia proponi, quibus Spiritale premium occultè significetur; hic autem manifestissimè spiritualia promittuntur & aeterna. Ubi nemo non videt, Augustinum non negasse ipsam Bonorum Spiritualium & aeternorum in Veteri Testamento promissionem, sed id tantum adfirmasse, clarius ea & evidenter multò in Novo propone, adeoque modum promissionis saltem variare. Magis aperte id indicat posterior locus à Bellarmino citatus, in quo etsi itidem nescire scripsit Sanctus Pater, utrum ali. Lib. 19. contra Faust. cap. 31. quis in libris Testamenti Veteris inveniret nomen Regni Cælorum, statim illud tamen pro orthodoxæ mentis explicatione subiungit: *Ipsa Vita aeterna non illic in manifesto prædicta caretur, non diceret Dominus malis etiam Iudeis, Scrutamini Scripturas, in quibus putas, vos Vitam habere aeternam, ipsa testimonium perhibent de me.* Et postquam aliquot de cā Promissiones satis perspicuas citasset, ita porrò scripsit: *Hec & alia multa sive apertissima, sive obscura inveniuntur illic Vita aeternæ testimonia.* Et de ipsis corporum resurrectione non tacuerunt Prophetæ, unde Pharisæi adversum Sadducos eam non credentes acerrimè confitebant. Et iterum post aliqua: *Proinde testimonio Vita aeterna & Resurrectionis mortuorum abundat illa Scriptura, sed hoc nomen (NB.) id est, Regnum Cælorum de nullo inde loco mihi occurrit, hoc enim propriè pertinet ad Revelationem Novi Testamenti, quod ori etiam Ejus nominandum servabatur, quem Regem ad regendos, & Sacerdotem ad sanctificandos fideles suos universus ille apparatus Veteris Instrumenti in Generationibus, factis, dictis, sacrificiis, observationibus, Festis, ritibus, omnibusque Eloquiorum præconiis, & rebus gestis & rerum figuris parturiebat esse venturum.* Mirum, si hæc tam manifesta Augustini verba Bellarminus apertis & suis in loco legit oculis, quod facere omnino debuit, Augustum Doctorem hunc in suas trahens partes; quā ratione, si quæ superest, & modo ex mente Ejus scribere ausus fuerit, in Veteri Testamento promissiones tantum fuisse temporarias; dum ex utroque loco per Bellarminum citato contrarium sit manifestissimum. Id quamvis ad præsentem non proprie pertineat Controversiam, quia tamen ipse Bellarminus vi attraxit, vindicari omnino debuit, quia tam facile potuit, Augustinus ab errore inter orthodoxos hodie nullatenus tolerando, quidquid etiam iis videatur, quibus non nisi singularia quævis placent, & è contrario com-

NB.

118 Tomi I. Controv. II. De Summo Pontifice, Lib. IV. Cap. XXVI.

communiter ab Evangelicis recepta tanquam simpliciora sordent. Nunc nihil ad hanc Questionem restat, quām quod ipse Bellarminus ad ultimum argumentum contra Papam ab omni alia Jurisdictione exemptionem observat, *an nimis um Pontifex in casu heretorum possit ab Ecclesiā judicari & deponi*, ex Augustino citans, *hereticum manifestum non esse Christianum sed extra Ecclesiam, quin ipso etiam factō carere omni Jurisdictione & dignitate Ecclesiastica, id est, claves Regni Calorum habere non posse, nec solvere aut ligare*; quae itidem Bellarminus contra Cajetani & aliorum exceptiones constantissimē tuetur, suam post alias Sententiam his verbis exprimendo, *Papam hereticum manifestum per se desinere esse Papam & caput, sicut per se desinit esse Christianus & membrum corporis Ecclesie, quare ab Ecclesiā posse judicari & puniri*, addens, *hanc esse Sententiam omnium Veterum Patrum & Ecclesiæ Doctorum, adeoque Augustini etiam, quem ante binis vicibus testemad duxit in cuius Sententia Expositione illud Sorbonista Launojus notavit, quod Bellarmi Tom. III, nus sibi ipsi repugnare videatur, dum Papam hereticum per se Christianum, & Papam desinere ex Augustini & aliorum Ecclesiæ Doctorum Sententiâ scripsit, & tum demum pag. 138, ab Ecclesiā judicari & puniri posse putavit, de quo tamen alii videant.*

CAPVT TRIGESIMVM PRIMVM,

DE

Nominibus Romani Pontificis,

Intra quæ numero post decimum quartu refert, quod *Apostolice sedis Presul* audit, de quo nomine eti negare non possit, sed agnoscere cogatur, quod supra jam non semel fuit observatum, interdum ab *Antiquis vocari Sedes Apostolicas non solum Romanam, sed & Antiochenam, Hierosolymitanam, Ephesinam & alias, quas Apostoli fundarunt, & in quibus tanquam Episcopi federunt*, post Tertullianum quoque ad Augustinum provocans, quorum testimonia ad caput primi de Romano Pontifice libri nonum prolixissimè citataleguntur; addit tamen, ut Elogium hoc Romanæ Sedi in specie proprium maneat, in tribus quoad hoc nomen excellere Romanum Pontificem, quorum duo priora Augustini testimoniis firmare nituntur, unum, quia cum dicitur *absolutè Sedes Apostolica, & non additur Antiochena, vel Ephesina, vel Romana &c. semper intelligitur Romana, quæ per antonomasiam dicitur Apostolica, ut patet ex Augustini testimonio, quod supra itidem ad tertium tertii de Sacra Scripturâ libri caput vindicatum est; alterum vero, quia Romanus Pontifex non solum dicitur Sedem Apostolicam, ut Antiochenus & Ephesinus, sed principatum Apostolice Sedis tenere, ut patet ex ejusdem Augustini testimonio, cui itidem supra jam satis est factum & ostensum, principatum hunc non ad locum, sed ad officium referri debere, omnibus Apostolis & Eorum Successoribus Episcopis commune.* Ego ex superabundanti nunc duo tantum addo, quorum prius laudatum à Bellarmino Antonomasiam concernit, qualem supra Paulo etiam concedere fuit coactus, hæc in laudem Ejus verba ex Lib. III. ad Augustino nobis suppedans, quæ & hic iteratè legi merentur: *Apostolus cum dicitur, si non exprimatur, quis Apostolus, non intelligitur, nisi Paulus, quia pluribus est Episcopis notior, & plus omnibus aliis laboravit.* Repeto, quod supra huic testimonio adscripsi: Si Bellarminus tale quid de Petro scriptum ab Augustino invenisset, aureis existimasset literis describendum. At de paribus idem esto judicium. Si enim hæc Antonomasia Paulum non facit Ecclesiæ Principem vel Monarcham, non video, unde Petrum hic honor p̄e Paulo maneat; p̄eprimit si accedat, quod posterius est adhuc observatione dignum, scilicet, de hoc nomine idem dici posse & debere, quod circa Sextum nomen à Bellarmino adductum laudatus modò Sorbonista Launojus notavit, non solum Petrum dici ab antiquis Patribus Christi vicarium vel Christi vices gerere, sed omnem Episcopum in Ecclesiâ &c.



LIBRI